



UNIVERSITÄTS-
BIBLIOTHEK
PADERBORN

Universitätsbibliothek Paderborn

Acta Ecclesiae Mediolanensis

Acta Synodalia Dioecesana Ecclesiae Mediolanensis, Pars Secunda

Borromeo, Carlo

Brixiae, 1603

De Cancellarij officio.

urn:nbn:de:hbz:466:1-11399

De Residentia eiusdem Cancellarij, & aliorum item.

Cancellarius suo per se fungatur officio.

Cancellarius munus suum per seipsum in omnibus præstet, nisi cum valetudine aliquando impeditus erit; & illis exceptis, in quibus ob multitudinē negotiorum aliamve causam, hisce constitutionibus, aut alia Archiepiscopi voluntate iudiciove permittetur vti opera substitutorum.

Si ægrotante, vel absente quando alius deligendus.

Si verò diuturna sit valetudo, ita vt eū impediatur ab exercitio sui officij congruè præstando ultra annum; Archiepiscopus omnino curet alij id muneris committere.

Idem faciat, si ille absit à Ciuitate ultra sex menses continuos, vel interpolatos in vno anno; etiam ex legitima causa, & facultate.

Ne ei à Ciuitate abesse, etiam modico temporis spatio liceat, sine licentia Archiepiscopi.

Interim dum vel abest, vel ægrotat Cancellarius, vel nondum statutus est; officium exerceatur per vnum ex ordinarijs ab eodem Archiepiscopo eligendum, licet conditiones non habeat supra requisitas; dummodo Notarius sit, quò ad ea quæ Notarij operam necessariò requirunt.

Licebit tamen Archiepiscopo deligere alium etiam ecclesiasticum hominem, qui ordinarius non sit, si ita ipse Archiepiscopus expedire iudicauerit, qui Vicecancellarius vocetur; id verò ad sex menses liceat: quò temporis spatio, vel cancellarium ex ordinarijs deligat, vel ordinarium ad illud exercendum officium per aliquod tempus constituat.

Eius verò Vicecancellarij, vel constituti loco Cancellarij nomine omnia agantur in cancellaria, sicuti de cancellario præscribitur.

Idem seruetur, quò ad promulgationes literarum Apostolicarum, vel Pastoralium, & huiusmodi faciendas in ecclesia, quo tempore Cancellarius delectus nondum erit in Sacro ordine constitutus.

Notarij suo loco relinquantur.

Notarij substituti Archiepiscopalis Cancellariæ tam civilium quam crimi-

naliū causarum, atque aliarum voluntariæ iurisdictionis expeditionum scriptores, etiam in loco ipsis constituto assidue resideant pro eorū officio exercendo; nec discedant inconsulto Cancellario.

Singulis diebus, exceptis dumtaxat festis de præcepto, officio assistant, & incumbant perpetuò; nec die solum, sed nocte etiam, vt res ac necessitas requirit, & Cancellarius, vel Vicarij Archiepiscopales iusserint.

Temporibus verò aliarum feriarū quouis nomine institutarum, quæ ex præcepto in festa coli non debeant; & si resideant in loco audientiarum non debeant, tamen omnes intersint in Cancellariæ ac ibi tum scriptioibus omnium rerū, tum varijs expeditionibus, quas in dies fieri contigerit, ex Cancellarij iussu incumbant.

De Cancellarij officio.

Cancellarij officium sit, cōfectio, & expeditio omnium literarum tam priuatarum quam etiam patentium, decretorum, ordinationum, constitutionū, instrumentorum, omniumq; rerum voluntariæ iurisdictionis; quas fieri contigerit per Archiepiscopum, eiusq; Vicarios, Visitatores, Prefectos, & alios quoslibet ministros iurisdictionem habentes, qui faciunt idē Tribunal pertinet ad regimen S. Metropolitanæ ecclesiæ Mediolanensis, eiusq; prouinciæ.

Omnia item acta iudicialia, tam civilia quam criminalia, cōstituta etiam, & cetera quæcunque occurrentia in causis, & pro illarum expeditione.

Instrumenta pertinentia ad Mensam Archiepiscopalem.

Quæ item pertinent ad Seminarium, Seminaria ve Clericorum.

Instrumenta alia, quæcunque in officio Cancellariæ fiunt.

Præsentationes Breuium, Bullarum, mādatorum, literarum, scriptorum, expeditionumque quarumcunque, quæ à Sanctissimo D. N. Papa, ab eiusque Sancta Sede Apostolica, & Curia Romana, ad Archiepiscopum, & officiales Curia, & fori Archiepiscopalis dirigi contigerit: licebit tamen per alios Notarios,

rios, qui non sint extra Cancellariam, recipi inhibitiones, quæ à Curia Romana, vel à Iudicibus ab ea delegatis emanant ad ipsum Archiepiscopum, & Vicarios; & appellationes extraiudiciales, si quæ aliquando interponantur, antequam Archiepiscopus aliquid iudicialiter contra appellantem egerit; vt puta citando, inhibendo, vel præcipiendo: tum denique si quam aliam literarum expeditionumve præsentationem aliquando Archiepiscopus, vel Vicarius generalis ex causa maluerit per alios præsentari.

Ad idem officium pertineant etiam contractus omnes, qui necessariò requirunt consensum, confirmationem, decretum, vel auctoritatem Archiepiscopalem quouis modo.

Editio in forma publica auctoritate munita actorum, & instrumentorum, ac scripturarum, quæ in Archiuo deinceps recondentur; etiam si confectæ sint ab alijs Notarijs.

Promulgatio, & denūciatio Populo omnium literarum Apostolicarum, Archiepiscopaliū etiam, quæ ad indulgentiarum concessionem pertinent, edictorum etiam, & decretorum, & alia huiusmodi; & indictiones solennes Synodorum, & aliarum huiusmodi actionum: quamquam quod ad denunciationem populo faciendam attinet, quædam ex tabella ecclesiæ Metropolitanæ, vel aliàs iussu Archiepiscopi denuncianda erunt ab Archidiacono, vel Diacono induto sacris vestibus, qui Missæ sacro tunc ministrat: aut quia minoris momenti sunt, à canonicis minoribus eiusdem ecclesiæ Notarijs appellatis.

Summaria item eiusmodi literarum, & versiones in lingua vulgari conscribendæ, & alia pertinentia ad eandem promulgationem.

Archiuū Archiepiscopalis, siue ad vsum Mensæ, & ecclesiæ ipsius Metropolitanæ, siue ad vsum vniuersæ Prouinciæ ex decretis conciliorum Prouincialium, diligens institutio, cura, & custodia.

Indictio Clero, populo ve omnium rerum agendarum.

Conuocatio processionum, & congrega-

tionum variarum coram Archiepiscopo, præfectis, Vicarijs, & alijs eiusmodi ministris habendarum.

Item conuocatio examinatorum.

Notatio in certis libris actorum quotidianarum congregationum variarum, quæ fiunt coram Archiepiscopo, & Vicario, aut Præfectis generalibus; & aliorum, vt opus fuerit; præsertim quæ de rebus grauioribus sunt.

Promotio item, tum maximè apud Archiepiscopum, & Vicarium, & Visitatores, præfectos ve generales, tum apud alios etiam fori ministros, omnium rerum, quæ statis anni temporibus ab illis agenda sunt pro bono regimine huius ecclesiæ; tum vniuersæ, vt puta promulgationes literarum Apostolicarum, & decretorum, & edictorum Archiepiscopaliū, indictiones Synodorum, edicta sacre ordinationis, literæ Pastoralis ad populum, visitationes vrbis diocesisque, vt exactio rationum à locis pijs, edictio instructionum generalium, pro ratione variorum temporum; vt in litanijs, in Quadragesima: tum etiam sigillatim, vt collecta memorialium ex libris Cancellariæ pro instructione cuiuscunque visitatoris, cum profecturus est ad visitationem, concessio, confirmatio, renouatio, vel reuocatio literarum patentium, & facultatum, cum opus est, visitatio carcerum, missiones variæ per Diocesim, campanæ, altaria, ecclesiæ ve consecrandæ, & eiusmodi.

Promotio item in congregatione consultationis causarum, expeditiones, maximè criminalium, & relictorum piorum, vsurpationum ecclesiarum, quæ præsertim tractentur ex officio.

Partitio negotiorum inter Cancellarium, & substitutos.

Cancellarius adiutus etiam à duobus superscriptis substitutis, det operam omnibus expeditionibus, quæ sunt voluntariæ iurisdictionis.

Ipsè Cancellarius per se recipiat quæcunque acta, præsertim grauiora, pertinentia ad ipsum Archiepiscopum; vt puta.

Sacras ordinationes.

Indi-

Quæ à sole
Cancellario
præstantur.